

本館新聞除禮拜外日出一張
本館外埠均可函致本館取閱
如外埠閱報須加寄費可也
除日報照常刊送外復不
惜工本從英國採辦新式
各機器以待與各官商
刊印書籍單件並有英國各
種活字及各式花邊等延有
西人操印工藝甚精所有中
西文字均能翻印並有石版
印字大小機器均用精工

叻報

本館開設在舊巴口門牌第十四號

印工總絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬
成文以及支離費解者概不
登報嗣後 諸翁來札尚祈
自諒更須寫實附里而後敢
登但來稿務與不登均不能
將原稿收回也 本館謹白

凡刊印告白第一日每一字一仙第二日以下每字半仙 大英一千八百八十八年七月四號禮拜三 凡刊印告白第一日每一字一仙第二日以下每字半仙

所不同近見外埠諸君取閱本報者或有僅一二月之久即為止其更有取巧者取閱本報迨屆半年開單往收報費之時則竟託詞謂已致函本報着爲停寄何以復送前來緣是即欲圖沒報資殊堪痛恨竊思本館之報原期大眾同觀事之濟否不在一人倘不欲賜觀即以一函投諸本館斷無有不爲之止截豈有強人看閱之理則此言之詐可知茲特聲明 諸君止看本報者必須作函由國家信館寄功投之本館始爲准信倘本館未接來函仍爲派送則不妨再爲示教至於取閱報紙必須至一年半年方能止截否即作爲零沽當按價索償勿謂言之不預也特此聲明 本館謹白

寒暑說

近來本坡天氣炎熱異常即陰處之寒暑針亦升至九十餘度之高故靜坐斗室揮扇納涼亦覺炎威逼人汗蒸蒸如雨墮若長途之中烈日之下則寒暑針竟至百五六十度然則其熱更可知矣然此猶未甚也如昨報所錄加刺吉打之中暑而死者日至廿餘人而紅海洋則尤酷熱不勝輪船過此竟有四人熱斃者則其炎威更令人聞而生畏因而略推其理曰炎熱者天地自然之氣也寒來暑往此爲天地之常蓋自夏至已往則一陰生焉天氣日升地氣日降天地之氣漸已不相交接故時氣亦漸寒此半年乃陰氣用事是以夜每長於晝也冬至已往則一陽生焉天氣日降地氣日升天地之氣漸已互相融洽故時氣亦漸熱此半年乃陽氣用事是以晝每長於夜也此天地自然之理爲寒暑之常經至於南洋各埠則殊不然無論四時皆如夏秋景象均衣單袷無須御棉惟逢大雨則天始稍涼否則可無事於衣裳之燬也是豈天地之氣乃獨異於南洋乎不知否也大凡寒熱之氣以地形之高下攸分地形之高者得天之氣獨先故熱則大熱寒則大寒地形之低者得地氣獨速故寒熱皆不至於過甚也即如中國北燕一帶地土最高故每至九月間即霜雪滿天不啻琉璃世界河爲之冰蟲爲之蟄人之御重裘擁炭者猶戰戰以爲寒甚迨至九月則又熱甚爐天火日竟至蠟淚滑融猶記前歲中國京師苦熱其寒暑針已升至一百零五度之高入皆苦熱不堪旅居都下之西人皆紛紛往津門烟臺等處避暑然則寒暑之甚已有可知至若南洋各埠地甚卑天氣之寒溫每不能周及賴地氣以生萬物陰柔所秉故寒熱亦不至甚深也且也南洋地居赤道之下火氣所流故其地常熱而不寒若在冬時則日行南陸正臨赤道故冬月而不至號寒若在夏時則日行北陸已居黃道故夏月亦不至於苦熱況南洋一帶甚僻高山廣漠故風無甚厲此地形既異暑度復殊是以寒熱之氣攸分試觀於風其由北方來者則寒冽異常此昔人詩中所謂朔風吹凍雪者其風由黑道來所以寒威砭骨也其由南方至者則清涼適體此昔人詩中所謂薰風解愠者其風由赤道至所以其氣不甚寒也然而南洋小島中亦有常年熱甚無片刻之涼者是以故不知亦有理焉夫山川蘊積而榛莽未除則地氣向海未能宣洩往往蒸而爲熱迨夫土地既闢榛荆漸除而地氣得以漸宣則境漸清涼不至鬱而爲熱譬若人焉彼在童年秉純陽之體則雖置於水天雪窖之中亦不畏寒且其體殊溫煖迨夫行年已暮精神之耗日多是即不能耐寒竊嘗聞諸故老云本坡於三十年前酷熱不堪晨餐剩飯留至晚餐即已帶鬱然則其熱可知乃今則氣象殊覺清和是亦緣土地已闢其山川之蘊漸宣故遂不至酷熱爲憂此即可爲明証矣至若本坡苦熱之故則實緣不雨所來蓋山川之氣蒸而成雲雲聚而雨遂降矣近來亢晴已久林木爲焦不能蒸騰於空爲雲爲雨以至天時苦熱曠是故耳此爲偶然之事又惡可以爲常哉

德事電音 ○二十日德京發來電報云德皇不日將與俄皇相會云云以傍觀村測之詞則謂兩君之會大抵必因處置沙馬兩邦之事故有是舉蓋欲以沙國之政則與主之馬國之政則俄主之故也

信香恩免 ○郵局之設所以代人發寄書函收取信資以補局中經費向章如是刻聞國家業經議定凡有書函由叻寄往柔佛地方者則概不收寄費深仁厚澤沾惠者應自踴躍矣

事有參差 ○前者本坡工部局會經下令將土庫後之騎樓一律爲之清潔其有磚級之處或致偏頗者則由局中撥款爲之脩理以期一律整齊嗣後至如經君之公業其代管產業人不允該局爲之代脩登即出字通知該局言此地乃爲己之產業無須該局爲之干預云云故現在工部局內諸員會議此事

是言即起而駁云我英海軍諸謀臣於此等議論甚為不取該爵臣遇此等事理宜機密計議獻謀何可率意談論以議國家之得失乎其言若此然則該爵臣殆亦不免於輕率矣

英京軍電 ○廿一日英京發來電音云現在拿打路地方軍營所有各兵軍已奉英廷之命調往蘇呂地方想因蘇呂之亂未能即平故調兵軍往為助剿也

銀紙銷流

○自西國通用銀紙以來日見銷流貿易場中莫不喜其輕便者現計西五月內本坡各銀行所用出之銀紙共有三百一十八萬三千九百六十元檳城各銀行所用出之銀紙共二百五十一萬九千九百六十元麻六甲之馬根代銀行用出銀票共三十萬零二千元以上共計則有六百零四萬一千五百六十元亦可見銀紙銷流之廣矣

寶勝裁戶籍報章

○刻聞西去歲寶勝裁戶籍冊稱是歲寄居該處地方之西人共一百五十六名穆拉油人二萬一千五百八十四名華人七萬三千一百五十五名印度人一千二百六十一名土人九百五十名以上諸式人等計共九萬七千一百零六名以此較諸一千八百八十四年時已有加倍之多可見該地人烟之日盛矣

紅海苦熱

○近來紅海洋面炎熱異常為向來所未有者前日有法國某輪船道經是處船中有搭客四人竟為熱斃是亦罕聞之事然則炎帝之威可想而見矣是以現在歐洲之人來亞者往來該處甚有戒心云

印度苦熱

○印度遞來信息言加刺吉打地方近來苦熱異常居民之中暑而斃者甚多嘗有一日之間死至廿一人次日復死十一人又次日復死九人然則暑氣撲人有非容易抵當者是以近來該處之人日間罕有出門殆亦畏炎威所逼也

香江新碼


○刻接香港遞來郵信言港地烟碼現在業經投定開係為本坡烟公司李君慶炎投得每月繳納餉銀三萬八千九百元云云

施制軍赴彭情形詳述

○施制軍言往彭亨一事前事列登於報現憲旌業經回叻得聞梗概亟為補錄焉先是西去月廿二號即華本月十三日制府率同賈勝義參政司瑞公新嘉坡護衛司畢公等及前鋒官馬公於是日下午三點鐘乘坐國家施馬路官輪由叻啟行於翌早八點鐘遂抵彭亨港口既抵港口後即遣人通知駐彭代理委員屈利弗該員聞報即於是日午刻至船中面謁制軍有頃即同不于地方馳報於王以備翌晨晉接至十五日午刻施制府及隨員龔委員屈利弗等即由彭亨港乘輪赴不于地方計有七英里之遙時彭亨王已預委其臣勝卓打馬昂迎迓及抵碼頭王弟勝卓打刺刺即前肅迓偕往見王王在路亭迎候并派兵往接制軍既至相見畢即偕往王新建之宅中坐未久制府即與辭回船王因親送以至碼頭蓋此係初見之禮并未談及所議之事也至翌日制府等諸公復至不于見王此係約期相見者因係議事與昨之禮見大有不同坐次制府因有要事數端與王共商並有英籍之華人因被人謀奪其妻不遂後將該華人謀殺致死查死者被害距王之居弗遠其被害之緣起人人皆知而王竟不為之查辦兇徒致令該兇得逍遙於事外是何以故制府又言此事倘不認真查辦則其干係甚大今後所有英籍之人在王地方寄居所有店業居家田園礦產與夫貨物人口等倘不認真保護則此中干係亦有匪輕今須議定此事須俾如何處置因汝前招英籍諸人以來貿易并作礦務生涯也制軍言畢王因求請寬限俾與諸臣共議再行覆答制府許之因回船中翌日再往會王問昨議何如王所言多不合於義理故制府不能允准王因再求寬限制府允之乃展限至十九日并語王謂限期至此不得再寬王唯唯制府乃同船中因無事故於是夜八點鐘時命施馬路官船啟行往丁加勞遊玩於十八早八點鐘抵埠丁加勞王聞制軍駕到即命人到船中恭謁并言須於下午三點鐘時見王始能預備晉接制府允之於三點鐘登岸步至王居王及其宗室大臣及華人等晉接甚殷言次詢及丁加勞情形據王言現在敝邑之事運亦不甚管涉然君民人等亦未嘗有言遲羅羅預丁加勞之事者惟現在丁加勞每屆三年仍寄送金花一次於暹羅暹之回禮則較金花之費為尤奢然則此事固可樂為之者也制軍與王開談畢因辭王而出即乘舟入內港遊玩山明水秀殊愜胸懷至五點鐘時遂回官輪王復令諸臣往送至於制府往丁之際王於迎送均陸炮二十一門是日五點鐘時制府即由丁啟行惟沿路皆浙逆流故至翌日已刻始到彭亨港口時屈里弗已首途迎候因以王之覆信呈於制軍制軍覽之意殊不憚因復往見王並言此事干係固有甚大知機者須聽本部堂之言方合也王無奈再求寬限制府因回船中王親親送制府至船至二十日十一點半鐘時王弟勝卓打刺刺近巨勝卓打馬昂及溫居亞里借數人贊王回信至施馬路官輪中制府覽畢即覆信於王旋命啟行回叻於廿一早七點鐘業已平安抵叻矣

私烟就獲 ○潮人李亞國向以冒法漏稅販賣私烟營生頗有所獲聞於去歲西十一月間李曾為巡差搜獲私烟執逮案中業經太守按律以懲判罰李英銀五十元以蔽厥辜時李於科定後不能繳呈罰款以故改禁三閱月以作抵銷夫如是李之繫於獄中應亦知所返矣不料劣跡已彰營生依然冒法於二十二日李復挾有私烟外出暗售詎為二十九號之巡丁察覺故借二十二號之巡差赴於府署後芳林園邊適與李邂逅於途因而扭搜李身果獲私烟五緞約值價銀八十八元遂執逮案現未猶經府尊訊鞫想此枯惡不悛之徒當亦為三尺法之所難宥矣

蜜酒出賣



啟者茲本行由歐洲辦到上等密酒
來叻發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶瓏 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 明嗎也洋行謹啟




美國峇打妙厘號新欸時鏢出售

啟者茲本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即使年湮代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘復製有表鍊甚多各欸俱備且其欸最新其工最巧較諸近來行用者又勝一籌矧其價復甚廉每鍊價僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街豐源銀行之鄰 諸君惠臨疑移 玉趾至於本坡則惟本行代理並無別家並此佈聞 諸惟惠鑒

大英一千八百八十七年六月十五號 大清光緒十三年閏四月二十四日 莫實得洋行謹啟

啟者本公司製造開關設在新加坡直落亞逸尾地方交易多年專造一切鐵巧機器火礮火礮做大薯地之器具及大小輪船汽機鍋爐並各種新式鋼鐵器皿上應俱全無不堅固耐久靈便合用願六甲地方本公司開設有分廠並

代中西士商修整各種損壞機器工價格外公道如有 貴客賜顧者請至本廠面議特此佈聞 西一千八百八十一年十二月廿六號 賴來安公司啟



中外眾國有限保險公司

啟者本公司總局設在香港多年備有實本銀二百萬元已先收股份人來銀六十萬元及餘存銀六十萬元在叻係本行代理承保各商貨物銀雲配運輪帆來往各埠其保費扣用照例所有花紅之銀俟結賬之後按數分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸貴商賜顧者請至本行閱相商可也 大清光緒九年 月 日 英一千八百八十三年八月廿七號 毛質德公司謹啟

啟者現本館新由上海寶到活字排板石印各書籍甚多約計百餘種茲以廉價發沽諸尊欲採辦者祈到本館選購是荷至其書目太繁不能殫錄詳富另列清單附呈白覽可也 本館謹啟

佛羅斯藥水

西國醫士佛羅斯配製治病滋補氣血藥水能治肝火哮喘胃弱飲食停滯心悸多驚四肢酸軟身虛弱酒色過度等症馳名於世二十餘年天下各國講究講養者多經購用屢試屢驗此藥水用玻璃樽裝載其如何功用另行布列一紙用華字印列每樽附送一張用此藥水者每日服三次俱晨午晚膳後及服每次用一茶匙以冷水或凍茶一酒杯開服須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞末申藥房內麥加看處選購大樽每樽分作一百二十八服價銀一元半樽每樽分作六十四服價銀一元此佈
大英一千八百八十八年正月十八號
美國紐約佛羅斯公司謹啟

線 轆 出 售




啟者本行專辦英國拿士布碌機房各色上等棉線轆發客此線轆與線球不同線身光滑滑於縫衣脚車手車最為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君如用始知余語之非虛 貴客光顧請認羊頭號標牌為記
庶免有誤
大英一千八百八十七年十一月三十號
香港希士洋行 新嘉坡代理人明馬也公司謹啟

酒 品 出 賣

啟者本行督辦歐洲馳名三品洋酒來叻發售其酒係曰頭次式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行三品酒者請細認本號招牌之內有小紙包頭許華字新
若此字樣即係偽冒請為細認特此佈 閱
大英一千八百八十五年十二月十九號
大清光緒十一年 月 日
明馬也公司謹啟

活 侯 亞 士 堅 公 司 告 白



啟者本公司向來開設本坡久為中西 商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開設英京歷久無異素為英國人所賞識不特為英國人所賞識又為鄰國人所賞識不特為鄰國人所賞識兼且為天下各國人所賞識蓋因該公司立心持平交遊盡善物料既美製作復精所以能遐邇美譽於本國鄰國及天下各國者皆為此也現計該公司所製造之器械甚多筆墨難以盡述更僕不可備數非親至該公司目擊斷不能備詳所見茲不過略舉其大槪言之亦存什一於千百中之意耳至該公司現運到本公司存貯代售其中件數堆積如山邱不可枚舉茲因篇幅太狹不能盡錄以備諸商翁青電擇其要而通行者略登報端以為 諸君採擇焉如水厚水筒皮帶等其價較別家稍為相宜貨而亦視別家為特妙請 諸君移玉到本公司一觀真有所聞未盡所見之微不啻遊山陰中道令人接應不暇矣至於本公司又有製造做大薯之機器以及水厚等各機器亦是名目太多不能備列謹此奉告尚祈 實然賜顧為慰現本廠已遷至工部局貨倉左鄰近復分枝一廠在吉隆坡仙四師爺宮後大馬路至下巴雙河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷
大英一千八百八十七年十一月九號
活侯亞士堅公司謹啟

新 欸 洲 馬 車 鞍 轡 等 件 出 售

啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各欸馬車無論四輪雙輪大小明暗各車均能製造所用物料均係上等而抹漆畫線亦皆精妙異常其木料均係選用上等美材且皆預買放乾然後製造故無裂綻變樣之病是則不惟悅目且耐用與平常所傳者不同倘 諸君有命本車房製造各車者懇即惠臨務能如意而本車房并有經用之馬車出售雖曾用過然再加修飾與新製者無殊其車則四輪雙輪大小欸式無不備有以便諸君選購更可代 諸君修理一切車輛其物料概由歐洲預辦充足無須臨時購買故修理甚捷可以剋期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有相馬者乘坐者其中大小雙單各欸俱全此鞍轡均由歐洲督辦來坡倘 諸君欲更往歐洲採辦者本車房亦可為之代辦並能相其馬匹大小配以鞍轡務令合宜即修理舊馬鞍使之重新亦無不可而本車房前有樹乳之踏足墊出售其墊可任剪裁大小均由尊意 諸君購用始知其藝超羣者可 再前來相商果能合用自必不惜重價酬勞如欲知其詳細情形者可至本車房面詢便得特此佈聞
大英一千八百八十七年十一月九號
前末兄弟車房同理人麥吉利謹啟

月十一日申刻城內某姓火發於室驟難撲滅同時被火數百家磚瓦土墻摧燒殆盡至戌亥間始熄城中巨富如景新景恭兩昆仲店業蕩然燼餘男女十一口樹木燒去七萬餘株未幾及者僅剩五家哀鴻遍野慘不可言該處撫委委員謝炎庭臬司稟各大憲後當由省帥委派淡水廳捕頭吳厚伯參軍馳往亦眠林詩甫星使邵小村方伯亦分別派員往勘并各捐廉助賑此臺澎未有之奇災也

騙妓脫賊

○澳門有棍徒某甲者奸謀詭計擅騙招搖所為不法澳人多髮指之者也甲因查得澳妓某與前被補人拘禁之初盜李某相契甚歡欲委以身圖李被拘不勝哀慘因偽為營官到某寮作狎邪之游自稱管帶緝勇凡澳埠押解各賊赴省已實預其事焉因謂某妓曰李某押禁於葡人何不為之營脫若得銀若干代向葡人為之贖罪釋放可免解省也妓為所惑遂被誘延之上座盛飾陪歡酒闌囑其代李營脫遂出其私蓄不足復東典西揭勉湊洋銀八十餘枚囑託於甲以為贖囑得當李罪可不日釋矣詎料前月某日葡官已將所捕李某某按名解省歸案究辦後妓聞李解省始知受甲所騙昨聞甲亦因事被葡差捕獲拘坐監牢妓擬上葡署控其撞騙焉夫甲騙妓謂能脫人於牢而已自受之天道好還於此可見矣錄報

丁沽浪影

○天津來信云前任兩湖總督李筱荪制軍晉京 陛見行至山東德州津郡官場聞知分派鐵籠流馬兩小輪船浙流迎迓十六日節抵津沽文武各員及各營隊伍次第郊迎憲舟小泊院浮橋鳴騶人直督行轅小住○江浙沙船於二月下旬到津照章停泊海河上下三月初接帮分起開船兌米運通交納米色勻潔可免逐船晒味延誤日期現在連擱入通將於下旬竣事矣○駱統帥草帽辦二物年來擱運出洋日不可以數計業此者大都利市三倍亦北方生意之一大宗也現在草辦長短不齊駝絨更多夾雜洋商惡其作偽會稟請各該管領事照會津海關道出示禁止參差攙雜致失利權○清河河道劉景韓觀察樹堂總辦輪船招商局馬局叔觀察建忠均於十四日至津謁見李傅相馬觀察小住招商局劉觀察則假盧陽公所作行臺○署理安州知州史敷生刺史於十三日到津謁見李傅相面稟辦理安州河工情形擬作平原十日之留然後回任○荊州將軍祥軍憲亨奏請 陛見奉 旨俞允當偕副都統楚統制廉北上日內官場已預備行轅矣○張魯生太守節充出使日本副星使回國後特授直隸廣平府知府一歷出守吏畏民懷慕於三月初六日疾終由長次兩公子扶柩來津附輪回意溪原籍同鄉嚴小勳觀察商集同人定於十六日在浙江鄉賢祠領帖一日當軸諸公及同鄉官幕大賈鉅商到者多至一百五十餘人

京華紀事

○戶部山東司傳吉林領餉委員協領文全等知悉本部於初十日開庫相應示傳該委員是日辰刻親身赴庫支領餉銀勿誤○禮部為知會事祠祭司案呈本部具奏四月廿九日 孝慎成皇后忌辰此一日穿素服不報祭不還願不作樂不宴會不理刑名照常辦事奉 硃筆知道了欽此欽遵到部相應知會各衙門轉飭所屬官員一體遵照○圓明園護軍馬某年近五旬夙耽賭博近於某處見一白色草蛇喜極携之歸自以為得此下酒物龍肝鳳味不啻也及煮熟花間獨酌與致酒然既醉飽之餘頽然就枕翌晨日上三竿宿醒已醒自覺四肢無力懶莫能興俄頃背脊癢不可耐旋即睡起如鴉卵迫日哺時所起之泡忽然炸破家人細視之則中有虱出何止萬千泊脹漸平而渾身舒泰矣噫異哉○本月初八日已刻謙護軍統領翁光在地安門內正黃旗侍衛衛教場揀選兩藍旗護軍營空銜花翎一缺護軍校二缺空街護軍校藍翎長各一缺七個甲喇護軍二十餘缺○景運門十處堂憲面諭該司總長恭照四月初十日 皇太后 皇上駐蹕南海嗣後所有王大臣上朝散朝經過時紫禁城圍內外各門各朱車值班官兵理宜整肅即著該章京護軍校校司兵丁務須站班排立佩帶腰刀衣褂穿齊以示體統倘或兵不足額衣不整齊一經發覺官則參辦兵則責革本十堂言出法隨決不稍貸爾值班官兵各宜凜遵勿得玩怠自干懲處○左翼前鋒營正副印務前鋒參領等赴升任德都統福宅擲請印鑰送往新任前鋒統領札爾圖拉豐阿接收並將擲授印鑰日期行文景運門轉行右翼前鋒營八旗護軍營查照○掌儀司行文謂 成貴妃金棺於十六日奉移田村暫安處停放除由各項撥派官兵赴彼值班看守外應自四月十七日起殯官前用喇嘛六十名念經七日五月初二日起念經七日五月初七日起念經七日相應知會各處查照向例凡有應行傳派以及應行預備之處迅即辦理

京報選錄

○江蘇巡撫臣崧駿跪 奏為丹徒縣驛書櫃開接遞 奏摺夾板審明定擬恭摺仰祈 聖鑒事竊據鎮江府知府福通稟稱丹徒縣知縣王祖慶稟稱該縣京口驛於光緒十三年九月二十四日接丹陽縣雲陽驛遞到署福建船政大臣裴蔭森於九月十二日發遞限行四百里 奏摺夾板一付該驛書見夾板內黃布包過薄與歷遞船政大臣 奏摺夾板之式不符解開查驗其中並無摺件僅有咨文四角當交丹陽原馬夫退回等情並據丹陽縣知縣凌焯以此項夾板實係上站原來包束固隨到隨遞經京口驛書拆看無摺退回將原包夾板呈請咨查等情奴才當以各驛站接遞文報摺件如有拆損應將遞夫扣留稟官究方為正辦今署福建船政大臣裴蔭森由驛發遞摺件事關緊要京口驛書輒因與歷遞之式不符擅行拆看復以並無 奏摺遞回丹陽實屬謬妄即經批飭臬司行提該兩驛丁書馬夫解省發委蘇州府審辦一面將原夾板等件咨送船政大臣裴蔭森查收另行補發兩附片奏奉 硃批著即飭提該丁書等審明究辦毋稍含混欽此恭錄行司飭府一體欽遵去後茲據蘇州府知府魁元提集徒陽兩縣驛書家丁人等訊明議擬解由署臬司陳欽銘覆審詳解前來奴才親

揭研翰錄將領籍隸丹徒縣向充該縣京口驛督光緒十三年九月二十四日申刻丹陽縣雲陽驛接准上站昆陽驛遞行署福建船政大臣裴
陸森九月十二日拜發 奏摺夾板一付內黃布包一個未黏印花外有傳牌一道原包約厚一寸有餘雲陽驛丁書查驗原封完固並無折動
襄陽當派馬夫傳遞是日戌刻遞至丹徒縣京口驛該驛書將領因歷遞船政大臣 奏摺向有摺匣此次夾板包封過薄私心揣測慮有失漏
前不稟明該縣即將護板布包逐層拆開查點只有各文四角並無摺件未敢按收勒令原遞馬夫帶回該京口驛驛家丁張斌未曾阻止業經
附片具奏飭提該兩驛丁書人等解省發審據各供悉前情不諱詰非有心拆閱亦無沈失情事誠恐該驛書等有狡飾情弊咨准署福建船政
大臣裴陸森以十三年九月十二日拜發 奏摺夾板一付按照歷辦之式仍裝摺匣外封向不黏蓋印花整包約厚二寸以上等因咨覆並先
經奴才等可行查蘇省經遞之平望姑蘇錫山昆陽四驛均稱接遞前次 奏摺夾板約厚一寸有餘未黏印花驗無破損皆係隨到隨遞等情
核與該書所供相符是此次摺件向非原驛暨蘇省經過各驛沈失似無礙義應即擬結查例載軍管來往文移有關軍需糧餉如台站書吏
人等私自開閱查出究明擬滿流又名列載斷非無正條援引他律比附加減擬各等語此案丹徒縣京口驛書將領接遞福建船政大臣
拜發 奏摺夾板因包封過薄與歷遞式樣不符恐有失漏血不稟官胆敢擅自解開查驗雖訊係祇圖檢點件數並非有心私閱摺件亦非該
犯沈失究屬謬妄徧查律例並無擅開 奏摺夾板外封作何治罪專條自應比例量減問擬驛書將領應請比罪軍管來往文移有關軍需糧
餉如台站書吏人等私自開閱查出究明擬滿流例上量減一等擬杖一百徒三年定地發配折責充徒期滿報明遞籍安插仍先革役家丁
張斌雖訊無帶同擅開情事惟不即阻止亦有不合應請酌照不應重律杖八十折責發落丹陽縣雲陽驛丁書接遞前項奏摺夾板係原照封
轉遞並未開動應無庸議至署丹徒縣知縣王祖慶失察驛書擅開 奏摺夾板查實難辭相應請 旨交部議處以肅郵政除供招咨送刑部
查核並分送吏兵二部查照外咨請閩浙督臣浙江撫臣行司按站核查究明何站遺失照例辦理外謹會同兩江總督臣曾國荃恭摺具陳伏
乞 皇太后 皇上聖鑒勅部核覆施行謹 奏奉 硃批該部議奏欽此

頂受聲明 ○啟者陸旗山下第四十四號門牌和成椒密店原係陳庚金陳三金陳桂金三人合夥同創茲緣陳庚金志圖別業自願
將該店生理店底貨物家私全盤頂與陳三金陳桂金二人承受自頂之後本店生理盈虧與陳庚金無涉而陳庚金在外與 各寶號往來賬
項亦惟經手自理不干陳三金陳桂金二人之事先此聲明免滋後論 大清光緒十四年五月二十五日 陳庚金陳三金陳桂金同啟

貴重私雜物出投 ○啟者茲定于西七月七號即華本月二十八日禮拜六下午一點鐘在附近東陵巴虱拍賣貴重私雜物其
物甚多不能備錄此係義惹君之物因其遷居他所故為之拍賣 諸君有合意者請如期 玉臨拍買是荷
大英一千八百八十八年七月三號 巴越館主告白

頌揚醫術 ○余素業外科嘗聞醫不知病病不知醫一語心竊疑之逮余於春稍患消渴症便溺如脂初延諸醫調治病益增劇以至
飲一浪一不食不飢夜不成寐勢幾瀕殆者月餘矣此由於醫不知病之誤也而余猶未識知病之醫也適有族人患風虛病親踵 同濟醫社
求 劉松雲先生診治因途次冒風猝然暈倒幸蒙 先生立施救治能於死裡回生更為擬方用藥如神不數劑而病占痊愈族人感 先生
之恩與余緬述且囑余亟往求醫余遂得緣此以識 先生而慶重生者實有天幸也 先生一經診視洞悉病源而疏方投藥迥與眾異余心
悅誠服自服藥後不啻甘露灌心是夕酣然安睡翌日知飢欲食由是安心調理不過旬日而精神復舊矣向使非遇族人相告則余無由而識
先生此即病不知醫之誤也近聞 先生在醫社主席日診數十人凡經其醫者莫不應手而痊其所醫治危頑之症甚多是固 先生之高
明本皆由 醫社之識人所以有如斯之實效也余感荷良深無從為報爰勸數言藉鳴大德云爾 光緒十四年五月廿三日 易廣仁謹啟

假冒聲明 ○啟者本店開設在馬車街第廿九號門牌開張張器生理已歷有年屢蒙 諸君信託乃近有匪徒竟敢假冒本店圖章
向各號賒取貨物人初不知其偽多給與之迨後列單至本號收取其事始敗現除陳緝匪徒控究外茲特聲明凡本號如有向 各寶號取貨
者須認明圖章若有妄交係為自誤不得向本號索償也特此聲明 大清光緒十四年歲次戊子五月十八日 馬車街萬和芳謹啟

有銀出揭 ○敬啟者茲余有銀一萬元欲行出揭與人須有產案物件作按方可成交利息甚屬相宜 諸君有欲借用者請至然里
直洋行之後文狀師寫字樓格壁與余相商便得特此佈聞 大英一千八百八十八年六月廿六號 西人經紀勿率爾謹啟

敬頌良醫 ○儒醫陳子裁於本年桐月中旬初到叻地現在源順街德源號內棲身子亦在此號內舌耕多年故得與陳君萍水相逢
而周旋進接矣不意予於數日前適有探薪之憂蒙陳君診脈指示良方吃下立即痊愈非着手成春者亦何能如是乎且陳君品學兼優不但
能醫男婦老幼風寒暑濕即外科如癩瘋等症亦皆能醫之可計日而愈者予作數語豈同其所好哉亦唯平情論事有善不敢不揚耳

大清光緒十四年五月初十日 翁爾洵謹啟

法國頂上蜂窠標萬蘭池酒出售



敬啟者茲本公司親由法國督辦頂上好萬蘭池酒來
助發售其酒清香濃郁醇厚異常飲之誠可令人長血
氣壯筋骨悅顏色妙美無窮今市上所有萬蘭池酒無
有能出其右者誠佐饋中妙品也至此酒惟本公司一
家沽出餘無別家出售 諸君光顧請細認蜂窠標頭
為記並細辨香味方不致誤價甚相宜倘有劉伶之癖
者祈早惠臨沽買是荷
大英一千八百八十八年六月二十號
大清光緒十四年五月十一日 明賜也公司謹啟

啟者本行由小呂宋督辦上庄選葉呂宋烟發
售其貨均屬上等並無低貨摻雜且價甚相宜
其中每箱有廿五枝者有五十枝者有一百枝
者各款俱備香爽異常因邇來西人年節將屆
用此以作禮儀餽贈最為合式且能與 諸君
代辦小呂宋各貨 諸君賜顧請至土庫花園
邊奕爾堅洋行之後與密加釐士打露路店
隔鄰本行相酌是荷
大英一千八百八十七年十二月七號
大清光緒十三年 義士連洋行謹啟

馬車出售 ○啟者茲本館有四輪明車一輛前後對坐可容四人其價可值六百元茲特以廉價出沽謹收回價銀一百二十五元甚
屬相宜 諸君有合意者祈早 惠臨看閱為望此佈 大英一千八百八十八年五月九號 巴越館主謹白

莫實得公司

啟者本行所傳洋酒素蒙 諸君雅愛稱譽甚多而
本行於仁酒一項尤為出色今特更定善章自後本
行所有沽出之仁酒概用樽裝載而樽之兩傍則有
英字將製酒人之名列出如下所登之英字而每樽
更有稻草包裹以期不至多所損破實為善善至此
酒係為本行一家沽出並無別處售賣諸君有欲購
買此酒者可向本行閱貨議價可也茲將樽傍英字
列登於下 大英一千八百八十八年四月三十號
光緒十四年三月廿日 新嘉坡莫實得洋行謹啟
A. VAN HOBOKEN & Co.
ROTTERDAM.

啟者本店開設在國家信局對門即來安公司之隣專在歐洲督辦
各式時款鐘表來助發售計有銀表一種最為名貴每枚價銀二十
五元并有大小各式金表甚多均屬當行出色者更有無須表匙自
能上鍊之銀表每枚價銀五元其表甚為堅固至於時鐘則各體俱
備無論掛鐘座鐘以及石質之鐘皆備其鐘皆異常美麗以備諸君
選擇他如金表金匙相盒金表練金戒指等各物甚多不能備錄而
本店并能代 諸君修理鐘表以及風雨針等件甚為精細保能尋
度無訛 諸君惠顧請即移玉 光臨為盼
大英一千八百八十八年四月十七號 模申鐘表店謹啟

RIGAND'S KANAGA WATER.

列顏干那芽花露水 ○此水係以干那芽花
所製其花出自日本國中香冠凡卉乃列顏君
在日本探辦載回法京製成此水以故其香甚
清而其用亦甚善如皮膚有皺裂等病抹此香
水固能愈痊尤可解蚊口之毒者以此香水和
水盥洗固能令人肌膚嫩滑顏色光潤且瘡癩
不生本藥房製成此種花露水銷流已久遐邇
傳揚不料近有德商仿照本藥房所造此水以
圖射利其實氣味遠遜迥隔霄壤 諸君有購
買此水者請看以下所列第一款之西字標頭
本藥房所用製載此水之樽係有浮凸字樣如
下所列第二款之西字註明列顏公司字
樣如標各均有細書號據始為真貨否則係為
混冒向祈慎購至於各式人等有假冒本藥房
花露水或由外處運來或在本坡發售一經本
藥房查出定必嚴行控究至本藥房之花露水
係託新嘉坡藥房麥加君代售並未開枝別處
併此聲明此佈

'KANAGA DEPOSE'
4430.

MORRHUOL.

模好呂解毒葆元藥丸
○此丸端治虛損吐
血花柳傳毒咳嗽哮喘
目痛重舌等症其效如
神且不惟解毒並且能
調和營衛葆養精神現
在法英美等國醫士所
用花柳取毒之藥均用
此丸無不藥到病除立
見春回若服此丸須仿
照瓶魚肝油之法要緩
緩吞下必切勿誤為急
吞以背服法計一百粒
樽裝載每樽此丸一百粒
現託新嘉坡藥房麥加
君處代售此佈
大英十一月八號

SANTAL MIDY, DR. MIDY'S SANDAL OIL CAPSULES.

檀香油藥粒 ○此藥
係製成油質以薄皮一
重裹作粒形以便易吞
而其藥力能端治花柳
淫毒白濁白帶癰閉一
切等症如症雖痛服
之立止而服藥後約歷
二三日即見奇功但所
患過重者須每日吞服
六次每次吞服二粒至
痊愈後宜再服十日
庶得消除後患永絕根
株惟服此藥時宜戒色
慾勿自誤致勞動等事
幸勿自誤致誤藥力之
不神也現此藥託交新
嘉坡藥房麥加君處代
售此佈

FRUIT JULIEN.

浮律如里馬藥糖 ○此
藥糖係採鮮果之汁加以
藥料和製成塊略如糖粒
氣味甘佳而其功效較於
瀉油為日無論男女老幼
均能服食且其味有如糖
菓最為適口尤為小兒所
愛其藥力均可治胆汁太
多重舌頭痛鬱結大便不
通斑疹血熱血毒以及皮
膚癢癢等症服之亦可涼
血行滯且能令臟腑潔淨
痼疾立除但服之法宜於
臨睡時嚼服一二粒至翌
早飲茶一杯須臾即覺大
便通利身體爽快現此藥
託交新嘉坡大藥房麥加
君處寄售此佈

大英北方商務火燭保險有限公司告白

啟者本行向代理大英北方商務保險公司專代 諸君承保洋面平安素蒙 惠顧茲本公司更增設火燭保險以保準中平安實甚相宜茲為略列如左 一號保險每值百元保費銀五角其另扣同十八仙與投保者 上油保險每值百元保費銀一元五角亦扣同十八仙 煤炭保險每值百元保費銀一元二角五仙亦扣同十八仙 雜貨保險其貨置於丹戎巴葛貨棧內者每值百元保費銀一元其亦扣同十八仙 其餘各貨如欲買保者請至本行面商實甚相宜此佈 大英一千八百八十六年十一月二十九號 年 代理人明嗎也洋行謹啟



實得力保險有限公司告白 ○啟者本公司開設以來與諸君受洋面保險及火燭保險等計洋面保險共集老本銀三百萬元現已收銀六十萬元盈餘積項二十萬元所有洋面往來船貨等物均能代保平安 其火燭保險計集老本銀二百萬元現收銀四十萬元所有洋行店戶住屋棧房等均能代保年終核算之時更備花紅分與買保 諸君所得且保價甚屬相宜誠於買保之人有益至本公司章程之佳辦理之善實與他家不同倘 諸君有惠顧者請即移玉惠臨相商便委特此佈聞 大英一千八百八十八年正月二十五號 實得力公司總理人可洛不加謹啟

本月廿四日

傳到上	四百六十六元	新烟七四百六十六元	
上甲錫	無市	叻甘蜜	七元一角
叻烏椒	廿三元三角	白椒上	三十八元半
金盾行情	金盾一個		六元六角
印度盾	一百元兌		二百廿八盾
爪亞盾	一百元兌		一百八十一盾七五
票價行情	銀行利息		九八仙
銀行現銀票銀行貼出			二角二占半
商人三十日期票	一百元貼銀行		一元七角半
銀行現銀票壹百元貼銀行			六角二五
商人三十日期票	一百元		七角半
加勝巴銀行現銀票壹百元值			一百八十盾
商人三十日期票			一百八十三盾半
匯加甲末銀行現銀票一百元值			一百七十九盾半
商人三十日期票			一百八十四盾
匯三寶龍銀行現銀票一百元值			一百七十九盾半
商人三十日期票			一百八十四盾
匯望加錫銀行現銀票一百元值			一百七十九盾半
商人三十日期票			一百八十四盾
匯井里汶銀行現銀票一百元值			一百七十九盾半
商人三十日期票			一百八十四盾
匯仰光銀行現銀票一百元值			二百二拾五盾半
商人三十日期票			二百二拾五盾半
匯加甲末銀行現銀票一百元值			二百廿六盾半
商人三十日期票			二百廿六盾半
匯上海銀行現銀票一百元值			七十四兩四錢五
商人三十日期票			七十四兩四錢五

輪船開行

株峇峇勝	喜美火船	廿五日	下午三點	棉示必洋行
日理	又	又	又	又
網略	賜爾王示火船	廿五日上午十一點	葛士兄弟洋行	
實勝越	勝爾火船	廿五日上午十一點	瑞泰號	
麻六甲	建安火船	廿五日	下午二點	豐源號
吉龍	又	又	又	又
實勝俄	又	又	又	又
麻六甲	庵設士火船	廿五日	下午二點	豐源號
望加麗	又	又	又	又
碩頂	北研	又	又	又
網略	喜求峇火船	廿五日	下午三點	棉示必洋行
安南	馬律獅火船	廿五日	下午四點	德源號
麻六甲	絲絲實密輪船	廿五日	下午二點	長茂號
麻六甲	為老荷里為示輪船	廿五日下午二點	棉示必洋行	
吉龍	柯勝攬保	又	又	又
香港	來密輪船	廿五日	下午三點	開行
上海	又	又	又	又
納閣	伯南輪船	廿六日	下午四點	莫實德洋行
仙那簡	又	又	又	又
泗水	棉加利實達火船	廿六日	開行	豐源號
峇整陵	又	又	又	又
安班蘭	望加錫	又	又	又
麻六甲	昭丕耶火船	廿七日	下午二點	豐源號
吉龍	又	又	又	又
白蠟	檳榔嶼	又	又	又
檳榔嶼	兩蒲老火船	廿七日	下午二點	開行
歐洲	又	又	又	又
德國	之西歸輪船	名曰不柳申	准于西本月七號	即
華本月	二十八日	禮拜六	必能抵叻	上落貨訖即

猶未能較定也聞管理該業人之意則以為騎樓之地係為產業所屬倘任工部局為之脩理其費用既由局出則其地已為工部局所屬他日遂不能與之計較故力阻該局不令其於此動工也本坡西報乃為之論曰前者檳城國家因填築海傍之役有侵及威美士機器廠之後遂為該廠所控直至叩關卒之國家失直斷令賠償堂費狀師及一切款項共銀四萬六千五百八十五元九角四分遙遙前曉成案可稽是為怪事局之瞻顧良多不敢遽將此事向臬轅稟訴也

奕署作公 ○本日為西七月四號係華盛頓創立奕利堅開國之期是以美國駐叻領事官照例停公一日以便美國諸商到署舉行賀禮云

暹地堪虞 ○本報前曾報錄越南一帶歸法人管理後法國駐越辦事大臣常派員溯其內河之源并至邊疆查察其民情風俗而所派之員實未嘗不垂涎於暹地是以每緣界址之事與暹時有違言爭論不休近聞有法員某現率越王之令往順化都城庫內考察其文件地圖俾知越地實以何處為界云云按法員此行何嘗係越王所委哉諒不過假王之號令為名實則為法大臣所遣耳觀於此事可見法人貪心難厭今復垂涎暹地則將來之患正自靡窮從此暹國邊陲恐無甯日矣願其可不知早為之計乎

賭案押候 ○昨錄松柏街口大馬路一百九十四號門牌被拘賭公差霍君等拘有廿一人逮案查係緣犯關姓賭案廿三日經太守提訊未得澈底查究未便輕下決詞業命將案押候至廿六日再為提案復訊而長興街某雜貨店係第五十四號及五十五號門牌亦緣犯關姓賭案均被霍君各差等拘獲十人又該街第六十號門牌亦犯是案概被霍君等掩捕三人統逮公庭於是日亦經太守訊鞫均未判定皆命展期候訊至廿七日再為聽認聞以上所拘諸犯均覓保人署立保券銀一千元許其保出在外候訊云

貧病輕生 ○粵人馬阿成向來安分營生居貧食力爭奈隻身萬里帽影鞭絲加以口腹累人却難銖積雖曰克勤克儉亦不過僅敷升斗之需不料邇日來忽為病魔醜纏難操故業故以薄積微資延醫以治然而刀圭未奏下藥石靡靈精力倦疲病轉增劇當此臥困床褥藥費難籌故不得已起於篤生醫院就醫蓋欲妙藥可求續其殘喘不意造化小兒依然肆毒病將膏肓頗難起死轉思維自願無生人意趣飄零身世怎耐貧病交攻與其氣息苟延奚如早填溝壑乃於廿一日竟以三尺紅綾畢其殘命噫重洋作客故鄉難望生還一縷幽魂異域何堪承詎當夜臺之寂寂益冥魂之凄凄言念於斯有不禁為馬哀其遇焉嗣該院諸工以馬溘然長逝故為報案請驗旋經驗屍官馬君暨同陪驗諸員赴驗據謂該屍委係貧病交攻自經致斃并無別故與人無尤因照例填格存查飭屍棺殮將案註銷

毆徒繫獄 ○昨錄牛車水甲乙兩會黨連日交毆業被巡差拘獲甲黨毆徒八名拘得乙黨毆徒五名其中情形概詳前報廿三日經太守提案訊鞫甲黨諸人均延狀師代訴其中有陳某者係染病外出延醫診治適於途次時值毆徒交擊巡差到拘故被誤執逮案太守廉得其情遂開湯網將陳釋放以恤之又其中有名亞桂者雖係甲黨中人在檳城初抵叻中身上尚有船單一紙故於起事之時桂尚不與其事則此次被拘是亦為初犯毆案尚可原情輕科故判罰監禁三閱月其餘甲黨六人與及乙黨五人均係選事好鬥實屬異常胆玩故統罰監禁六閱月以儆厥辜唯彼毆徒難知所返矣

天師就獲 ○天師之害流毒靡窮然以為華海奸民始有設斯陷阱者是其禍水一泓向未遍流於海國今則西人亦公然為之其騙賭之術與華國之天師若合符節洵可謂無物不偶天師有然然則世途嶮巇遍地皆是乎噫人生涉世偶不加察即墮彀中可不慎之又慎乎聞有葡萄牙人名呂士加禮勝者天師之流亞也頗豐於貲常設賭具以騙世人故錫銖累積俱由騙賭中來近在附近甘公芒古魯大井邊之寶義禮律地方稅有一十二號門牌之宅以為設賭之區該寓則丹聖輝煌樓臺金碧輝煌陳廳事十色五光該寓幽深宏敞每月租銀蓋有五十元則其廈之大也可想而知矣近復延有一穆拉油人亞義馬萬者勾引賭徒入局交博故西籍統華子弟一入其中莫不魂迷意惑每與交博鮮有為之獲采故傾囊多與呂遂視此為點金之窟矣不料近為線人通報捕房於廿三夜業為拘賭公差霍根納及馬堅多士率同暗差數名偕赴該寓時適交博無人而遍室冥搜果獲荷蘭牌及諸賭具甚夥而銀元亦屬不鮮故拘呂等二人及諸賭具並銀元等統逮於案現猶未質此亦不過據線人所報之言如是確否尚未得而知俟於對簿公庭始悉真偽再為續報聞呂等原欲自覓保人署券保出在外候訊而總差以彼案情頗重不准保出故呂等現在捕房押候云

閩省風災 ○福州來信云四月二十三日三點鐘時濃雲四合天地晦冥急雨狂飛忽同萬馬少焉大風驟發吼若巨雷金斗鋪空地旁某甲新建廿房昆連數十椽屋瓦皆紛紛飛去對面隔河而居者數十家一霎時轟然坍塌老幼男女悉壓其中哭聲震天慘不忍睹幸經人急為搶救向無性命之虞離數十步金斗橋旁有榕樹一株大可數圍樹下有一廟時風力已稍殺猶能將榕樹拔起附近剃頭店等亦無不塌崩壁倒瓦片作蝴蝶飛甘廿荔枝樹極多被風吹折拋撒路邊南街某聯匠一線等八人住西潤殿觀劇回適遇大風急驟道旁小亭亭亭臨湖受風幾覆岌岌可危匠等欲覓路而逃不覺目眩脚浮皆翻身墜入碧澗有漁艇見而投起不致為河伯所奪亦幸矣哉聞時飛驟氏與盡而歸雨師亦即返旆入夜三鼓又風雨交作門墜震動聞人謠傳謂風過之處有黑氣一團隨風亂滾是則等諸東野語一笑置之可也